


**'O Munasterio**





A. di Giacomo

S. DI GIACOMO

# O Munasterio

(SECONDA EDIZIONE)

*NAPOLI*  
MDCCCXCI

*Proprietà letteraria riservata.*

---

Tip. Edit. F. Bideri, Costantinopoli 89 — Napoli

PQ4817  
GL2M18  
1891

a Matteo Schilizzi


**M768233**







*esù, Giuseppe, Sant' Anna e Maria, v'ar-  
umanno chest' anema mia!*







*Mez' ora dopp' 'avummaria.*

 *ETTAIE stu core mio mmiez' a la strata  
e 'n' copp' a na muntagna mme ne iette,  
e, pe na passiona sfurtunata,  
moneco 'e San Francisco mme facette.*

— Tuppe, tuppe!

— *Chi è?*

— Ccà ce stesse ur

ca l'è caduto 'o core mmiez' 'a via?

— *Bella figlio', ccà nun ce sta nisciuno,  
va, iatevenne cu Giesù e Maria ....*

*Se ne iette cantanno: Ammore, ammore  
cchiù nun te vo' zi moneco vicino!..*

*E p' a muntagna se purtaie stu core,  
arravugliato dint' 'o mantesino...*

angelus Domini nunciavit Mariæ....

*Vintiquatt' ore*

*'atre priore, dateme 'o permesso,  
'engo a fa legna pe sta muntagnella....*

— Figlio, a chest' ora?

— *Patre, io torno ampreso,  
me sento 'o friddo 'n' cuollo int' a sta cella!*

U purtinaro è ghiuto a repusà,  
ma nun fa niente, figlio, t'aspett' io....

*'atre priò, mez' ora e stonco ccà....*

Ma, figlio, va fa legna, a nomm' 'e Dio.

*No, nun so' legne ca vaco truivano,  
fredda nun è sta cammarella mia,  
l'aria mme manca, l'aria vaco ascian*

*Io voglio risciatà st'aria d' 'a sera  
ca passa e mmurmulea tanta parole,  
chiacchiarrianno de la Primmavera;*

*sciure voglio ì cuglienno pe stu mon  
e, stiso 'n 'terra, tene' mente 'n' a  
sentenneme na fronna cadé 'n' fr*

*Penziere mieie, diciteme, addo' iate ?  
Mme pare de sta dinto a nu deserto..  
Fronne, sciure, parlateme, parlate!...*

Figlio, e addò stanno 'e llege?  
Pecchè nun n' aie purtate?

— *Patre,.... mme perdunate?...*

— A nomm' 'e Dio, pecchè?

*Embè, patre, sentite....*

*io nun me so' fidato,  
stu cuorpo addelurato  
nun po' cchiù faticà....*

Che so' sti rose?

— *Io... l'aggio...*

*còvete... — P' 'a Madonna?*

— *Patre.... — P' 'o mese 'e maggio?*

*Va, portancelle.... va.....*

## Il Signore sia benedetto !

*Prinmo d' 'o refettorio.*

*È arrivato nu moneco nuviello  
e s' ha fatto chiammà fra Libberato,  
s' ha fatto benedicere 'o mantiello  
e subbeto int' 'a cella s' è mpezato.*

*'A cella soia fa nummero trentuno,  
'a mia fa trentadoie, stamme vicino ;  
ma nun se fa vedè quase a nisciuno,  
sulamente ogge è sciso a matutino.*

*A matutino 'n' faccia l' aggio visto,  
tene na faccia ca te fa piatà,  
na barbetella comme a Giesù Cristo,  
e nu felillo 'e voce pe canta.*

*E, pe ntramente ca steva cantanno,  
a l' usfiggio na pagena ha vutata,  
e l' ha nchiuso — l' ha nchiuso suspirando  
e na lacrema dinto nce ha userrata...*



*o purtinaro è n' ommo attempatiello  
ca monaco a trent' anne se facette,  
sempe ca passo, 'a quanno mme vedette,  
— Figlio, — mme dice — santo e vicchiariello!*

*dico: — Giesù Cristo sia lodato!  
e chillo mme risponne: - - Ogge e a tutt' ore!  
E da che nasce 'o sole anfr a che more,  
sott' 'a porta, a penzà, resta assettato.*

*che penza? Luntano, a poco a poco,  
'o sole scenne arreto a li muntagne,  
'n' cielo se spanne nu lenzulo 'e fuoco,  
e nu cucù, mmiezo a li fronne, chiagne.....*





*Quatt' ore 'e notte.*

*Sott' 'o Castiello 'e ll' Uovo  
pescano a purpetielle,  
e lampe 'e fuoco vivo,  
a poppa 'e paranzielle,  
fanno li marenare  
pe guardà 'n' funno 'o mare...*

*Ma 'o mare traditore  
nun se fa scanaglià,  
ca nun esiste luce  
pe sti prufunnità;  
e chisto munastero  
mme pare 'o mare overo!...*

*Ca si me voto attuorno  
mme veco mmiez' a gente  
ca fuie, ca s' annasconne,  
ca nun mme dice niente;  
e penzo: Ah, sfurtunato!  
Addò s' capitato!....*



*Serata 'e luna.*

*Santa Lucia, luntana e benedetta,  
è nu martirio si mme viene a mente!  
quanta suspire dint' a na varchetta,  
quanta guardate senza dirce niente!*

*Frutte 'e mare adduruse, evera 'e mare,  
mare, gulio d' a luna ca spuntava,  
luna, lanterna de li marenare,  
ca dint' 'o specchio 'e l' acqua se mmirava!...*

*Penzate a me! Nu marenaro er' io,  
meglio si a mmare me ieva a ghiettare!  
T' 'o pozze perdunà sultanto Dio  
stu desiderio che tengo d' 'o mare!*

. . . . .  
*È ogni tanto nchiudo l' uocchie,  
nnanze a st' uocchie passa 'o mare,  
e de sentere mme pare,  
quanno canta n' auciello,  
na canzona 'e marenare  
ncopp' a n' arbero 'e vasciello . . . . .*



*Fra Libberato è n' ommo nchiuso assaie  
' annascoste li ppene se mantene,  
meza parola nun 'a dice maie,  
va trova dint' 'o core che ce tene!...  
Chello ca tene 'e bello songo l' uocchie  
atturniate da na macchia scura...  
ma n' ha da tenè chiaie 'n' facc' 'e denocchie,  
se n' ha da fa martirie a carna annura!...*

## Oratorio.

*Fratìè, preia a Dio tutta stano!*

— Tutto more, tutto passa,  
sulamente Dio nun more!  
Beneditto!  
Beneditto!  
Ogge e sempe e a tutte l' ore!

— *Ma murenno ognuno lassa  
ncopp' 'o munno, a piezze. 'o core!...*

— Statte zitto!  
Beneditto!  
Ogge e sempe e a tutte l' ore!  
Aizanno l' uocchie 'n' cielo,  
acalanno l' uocchie 'n' terra,  
addò è pace o addò sta guerra,  
Dio se trova, Dio ce stà.

E li braccia aperte stenne  
pur' a 'o cchiù gran peccatore,  
carità ca nun s' arrenne,  
benedetta a tutte l' ore!....

. . . . .



*i Dio nun ce sta? Si Dio nun fosse  
a nu nomme e nient' ato?  
i tanta e tanta vote inutilmente  
avesse annummenato?  
i l'avesse priato  
nun ne caccia niente?*

*Povera mamma mia ca ce credeva  
e a Dio, cantanno, m'arraccummanava  
da quanno int' a na cònnela io durmeva,  
senza sapè che sciorta m'aspettava!  
Vicchiarè, vicchiaré, si pe nu poco  
n'ata vota arapisse  
st'uocchie nzerrate eternamente, e'n' faccia  
tu me tenisse mente,  
quanto te pentarrisse  
'e quanno mme dicive: Figlio mio,  
figlio, nun t'abbeli, lasse fa Dio!  
priava stu Dio sera e mattina  
pecchè patemo mio nun fosse muorto,  
io priava stu Dio pecchè vicina,  
sempe vicina a me, dint' a la casa  
addò male patenno mme facette,  
mammema bella mia fosse rummasa!*

*E patemo murette  
senza n' aiuto, e a mammema nchiudeti  
l' uocchie, desideruse  
d' o figlio suo luntano,  
nun già sta mano mia ma n' ata mano.*

*le lacreme meie, mmiezo a stu core,  
arraccugliette comm' a nu pantano,  
l'int' a st' acqua scura,  
sta cumposta 'e spaseme e paura,  
pena n' ata lacrema cadeva  
te chell' ati lacreme smuveva.  
taie na vota 'o sole. A poco a poco  
vllargaie, se spannette,  
pietto n' ato calore,  
e na mpessione 'e ragge 'e fuoco,  
nema nova nova mme sentette....  
Si te mannava Dio, comme diciste  
e comm' io te credette,  
tu, ca tutto na vota,  
bure tu, scumpariste,  
va, ca te maledico!*

*E maleditto sia*

*chillu iurno ca t'aggio canusciuta*

*e ca mme t'ha nchiuvata*

*dint' a stu core e dint' a stu penziero....*

*chillo destino ca me fa campà!*

*No, ca nun è overo*

*ca pe nuie ce sta Dio!... Dio nun ce sta!*

. . . . .

. . . Aizanno l' uocchie 'n' cielo,  
acalanno l' uocchie 'n' terra,  
addò è pace o addò sta guerra  
Dio se trova, Dio ce stà!

E li braccia aperte stenne  
pur' a 'o cchiù gran peccatore,  
carità ca nun s' arrenne,  
benedetta oggi e a tutt' ore!

Mo' ch' è passata  
n' ata jurnata  
d' a vita nosta disgrazziata,  
sia ringraziato  
Giesù Signore,  
specchio de sole,  
luce d' ammore!  
Sia beneditto!  
Sia beneditto!  
Oggi e sempe e a tutte l' ore!

*È passata n' at' ora d' a vita nosta!  
Fratie, ringraziammene a Dio!*

*Mea culpa! Mea culpa!*

*Scenne 'a cielo na voce*

*dint' a st' anema mia:*

— *Penza ch'è muorto 'n' croce!*

*E beneditto sia!*

*Giesù, Giesù Signore!....*

*no .... no .... nun me dannà!...*

*Guarda a stu peccatore,*

*c' 'a faccia 'n' terra sta!...*

. . . . .

*Mo mme sento cchiù forte,*

*mo mme sento cagnato,*

*e si vene la morte*

*mme trova appriparato .....*

*Fratiè, l'acqua p' 'o refettorio!*

*Mmieso 'o curtile na cesterna sta,  
ognuno 'o cato suo se va a tirà,  
ma st'acqua sape 'e sale. Comme va?  
Fosse acqua santa pure chesta ccà?*





*Na chitarra s'io tenesse,  
cu sta luna ca ce sta,  
a sunà mo mme mettesse,  
e accussì vurria cantà:*

„ *La luna nova ncopp' a lu mare  
stenne na fascia d' argento fino,  
dint' a la varca lu marenare  
quase s' addorme c' 'a rezza usino.  
nun durmì, scètete, oie marenà,  
votta sta rezza, pensa a vucà!...*

*Dorme e suspira stu marenare,  
se sta sunnanno la nammurata,  
sitto e .....*



tuppe, tuppe!

— *Chi è?*

— Fratiè, song'io...

*Fratiè che buo'?*

— Fratiè, ccà nun se canta,  
giu pacienza, chesta è casa santa,  
à nun se canta, ccà se preia a Dio.

*Chiove..... Tutto na vota  
l'aria s'è fatta scura....  
'O tiempo se revota.....  
Che lampo!.... Che paura!....*

*Mezanotte.*

*ternuto è l'uoglio e lu lume mo more  
comme a chi tirà nnanze nun po' cchiù....  
cchiù se fa miccio cchiù mme sbatte 'o core,  
ah, Giesù Cristo, damme forza tu!*

*Stonco tremmano comm' a nu guaglione,  
'o sanco dint' e vene s' è gelato....  
curaggio!... chest' è tutta apprenzione...  
va... facimmece' a croce... ah!... s'è stutato!*



**RIA**

*maria!... Chiagnenno, addenucciato  
pp' a li pprete de sta cella mia,  
ca mme sento sulo e abbandunato,  
nme t' arraccumanno... Avummaria !....*

*si sponta dint' a st' uocchie appassionate  
na lacrema 'e piatà pe tanta gente,  
si tiene mente a tanta sfurtunate,  
Addelurata mia, tieneme mente!*

*E o muovete a piatà, mamma d'ammore,  
vedenno 'a vita mia nera accussì,  
o ca si no tu spezzeme stu core,  
Madonna bella mia, famme murì!....*



*Chiove ancora !...*

*Stanotte a l'una e meza,  
sentenno nu lamiento,  
io mme songo scetato....*

*nun mme pareva 'o viento...*

*No !... Chi s' allamentava  
era fra Libberato...*

*E aggio ntiso, tremmano,  
c' 'a recchia 'a mascatura,  
quatto o cinche parole...*

*Ah, Giesù !... Che paura !*

*c' allibbrezza !... Sapite*

*chist' ommo disperato*

*c' ha fatto ?... Ha acciso 'o frato!...*

*'A campana !.. Voce 'e Dio.*

Mbon! Mbon!...

— *Fratìè, ch' è stato?*

— Fratiello, 'a cella nzerra,  
fratiello Libberato  
nun è cchiù de sta terra.

C' 'o crucefisso a fianco  
l'hanno truvato stiso  
mmiez' a na macchia 'e sanco....  
e mo sta m' paraviso.

— *M' paraviso !...*

— Fratiello,  
io saccio che buo' dì,  
si avette 'o puveriello  
'o tiempo 'e se pentì....  
Lassa fa Dio ca tene  
misericordia assaie,  
ca ne patette pene  
e pure perdunaie!



Ca si fra Libberato  
na vota sulamente  
se nc' è raccummannato,  
si l'ha priato overo,  
c' 'o core e c' 'o penziero,  
è stato perdunato...

Mbon! Mbon!....

Va, nzerra 'a cella,  
nun rummanè a penzà,  
'a vita è chesta ccà...

Mbon! Mbon!....

Jammo 'a cappella....

'O fumarale.

*Abbaschio 'a chiesa 'e muonece so' scise  
cu na cannela e cu nu libbro mmano,  
e attuorno 'a castellana se so' mmise,  
quattuordece vicine e seie luntano.*

*A mano manca 'e l'altare maggiore,  
ncopp' 'a na seggia 'e velluto granato,  
murmuleia letanie pur' 'o priore,  
c' 'o libbro mmano e nu servente allato.*

*E se moveno e saglieno d' 'e ccere  
sierpe 'e fummo pe l'aria pesante,  
e accumpagneno 'n' cielo sti prighiere  
a san Francisco e a tutte l'ati Sante.*

*E d' 'e feneste pe li betriate  
trase 'o sole e p' 'a chiesa se spanne,  
e vasa 'e scaravattule ndurate,  
e se stenne pe terra e ncopp' 'e scanne...*

*Luceno 'e frasche, luceno 'e lampiere,  
ncopp' a l'altare 'o calice s' appiccia,  
e 'a luce rossa de li canneliere  
mmiego 'a luce d' o sole se fa miccia..*

*’a chiesa na chiorma d’aucielle  
ne tantillo passa allegramente,  
de na cumpagnia de passarielle  
strille de priezze ’a chiesa sente...*



*Doppo fatta 'a funziona  
nu pezzullo 'e carta scritto  
'o priore ha dispensato,  
e nce ha ditto:  
Chesta è 'a prighiera pe fra Libb:*

— *In nomine patris et Filii et Spiritui Sancti, amen.*

Eterno patre, a st' ommo addeventato  
cennera n' ata vota,  
a stu verme d' 'a terra  
ca da li stesse vierme  
sta p' essere mangiato,  
mo c' 'a morte le nzerra  
l' uocchie pe sempe, dint' a lu tavuto  
dàlle pace pe sempe,  
si tu saie ca chill' uocchie hanno chiagnuto.  
si, pe farle perdunà, sta vita  
nosta mo ce vulesse,  
o ca si scritto stesse  
ca quaccheduno 'e nuie  
pene amare patesse,  
e tu, tutte sti pene  
tu fancelle patì,  
e tu fance muri !...  
Ca tutto chello ca tu faie sta bene ! „

*Amen !*

*Tre gloriapatre e n' avummaria,  
secondo 'a ntcnazione vosta.*

*Comm' uno ca patesce 'e sbenimente  
p' 'o mmale 'e luna e l' esce 'a scumma rossa  
d' 'a vocca e stregne forte forte 'e diente  
e ngerra 'e ddete e nun fa cchiù na mossa,*

*accussì vedette io fra Libberato  
stiso 'n' terra — e, accussì, stu puveriello  
paricchie notte mme l' aggio sunnato,  
comm' uno acciso a na botta 'e curtiello...*



*Dopp' 'offiggio. Vintidoie ore.*

*Si nu pensiero dint' 'o core vuosto  
vuie tenite annascuosto,  
e si, tutto na vota,  
l'anema vosta sbatte e se revota  
ca vurria caccià fora  
chello ca ve sentite,  
site nu nfamo si l'annascunnite.*

*Sentite a me: nun c' è cchiù bella cosa  
d' 'a verità. Quanno uno è sfurtunato  
meglio è ca parla e nun se mette scuorno.  
pecchè doppo parlato,  
pecchè doppo sfucato,  
si pe nu poco isso se vota attuorno  
e a l'ati sfurtunate tene mente,  
trove 'e stesse duloire,  
trove 'e stesse penziere,  
mmiez' a tant' ata gente.....*

*accussì, na buscia,  
si dicesse c' a te nun penzo cchiù,  
io certo diciarria;  
o si d' nun vulesse  
ca pe te sulamente  
io sarraggio dannato eternamente!*

*Pecchè prianno a Dio*

*nun 'o tengo presente,*

*e tu, tu sì ca nun m' 'o faie vedè !...*

*Pecché sta vocca mia*

*si dice: Avummaria. . .*

*nun 'a dice 'a Madonna — 'a dice a t'*

*Ah, si tenesse a mammema  
io mo nu' starria ccà!  
Ca sulamente mammema  
mme putarria sanà!*

*Chi cchiù d' 'a mamma tiennero  
'o core 'm' pietto tene?  
Qua lacreme so' lacreme  
si nun so' chelli llà?  
Oi ma', chiammeme, scetete!  
Si ancora mme vuo' bene  
d' 'o campusanto pàrtete  
e vieneme a piglià! . . .*

*Gente, sentite sti parole meie!*

*Vuie c' ancora tenite*

*'a mamma vostra, si nun 'a stimate,  
pe vulè bene a n' ata*

*ca cchiù bene ve vo' vuie ve credite,  
gente, o nfama o ngannata,*

*nun 'e mettite a paragone maie,*

*ca l' ammore d' 'a mamma è gruosso assai!*

*Na vota ce steva uno*

*ca pe la nnammurata*

*tutta 'a furtuna soia dopp' asseccata,*

*propeto nun sapeva cchiù che fa*

*p' 'a putè cuntentà.*

*— Damme — essa lle diceva —  
oro, anielle, brillante!*

*Oro, anielle, brillante isso lle deva...*

*— Puorte! — e chillo purtava,*

*E si diceva: arruobbe — isso arrubbava,*

*E si diceva: accide! — isso accedeva!*

*— Che buo' cchiù? Si' cuntenta?*

*C' ato t' aggio da dà?*

*— No, cuntenta nun songò,*

*nun m' avasta — E tu parla,*

*dimme, c' ato aggia fa? —*

*— Ma 'o faie? Giura! — T' 'o giuro! —*

*— E si no st' uocchie mieie,*

*tu cchiù nun vedarraie,*

*si chello ca voglio io nun me darraie!*

*Té ! Chist' è nu curtiello,  
addo' mammeta va,  
scippele 'o core e portammillo ccà !  
E chillo nfamo iette,  
e stu curaggio avette!...  
Ma c' 'o stesso curtiello,  
(c' 'a mano scellarata le tremmaie)  
sceppanno 'o core 'a mamma,  
nu dito se tagliaie.....  
E sapite sta mamma,  
gente, che lle dicette ?  
Dicette:— Figlio, te si' fatto male ?—  
E, guardannele 'o dito,  
suspiranno, murette . . . . .*

*Quanno moro io vogli' esse occumpagnato  
menanno sciure ncopp' 'o cuorpo mio,  
e a nu pizzo stramane sutterrato,  
addò mme vede sulamente Dio.*

*Sotto a n' arbero a l' ombra e a lu cupierto  
accunciateme st' osse addelurate,  
e ncopp' 'o cuorpo mio sbattuto e spierto  
menatece nu sciore si passate.....*

*Ma 'n' fino a tanto ca stu pede 'e noce  
farrà li fronne ncopp' a sta muntagna,  
vuie sentarrate chest' affritta voce  
ch' esce da sott' a l' arbero e se lagna.....*

*Nun arreposo, no !... Vuie ca passate,  
ienno cercanno attuorno 'a carità,  
fratielle mieie, nun ve maravigliate,  
ammore dura pe n' aternità !....*

*Cuntrora.*

*A nervatura mia cchiù nun m' aiuta,  
mme se chieieno 'e gamme ogne mumento,  
poco ce veco cchiù, poco ce sento,  
vi c' ata malatia ca m' é venuta !....*

*Ime sento int' 'e denocchie e dint' 'e mmane  
na debulezza curiosa assaie,  
e, da che suonno io nun teneva maie,  
mo' durmesse 'e ghiurnate sane sane....*

— Giesù sia lodato!  
— Ogge e sempe!

*Dint' 'o curreturo.*

— Comme sta fra Sarvatore?  
— Accussì, patre prio'?...  
— Arreposa?

— Sissignore,  
s'è addurmuto propio mo.

— Ma che tene? Che se sente?

— Patre prio', che v'aggia di?

Tene tutto e tene niente,  
po' sta buono e po' murì....  
Sputa sanco....

— Uh, mamma mia!

Figlio mio, tu che mme dice?

Va, sperammo, e accussì sia,  
c' 'o Signore 'o benedice!...

— Accussì sperammo a Dio!

Ma.... ve dico 'a verità....

— Va dicenno, figlio mio....

— Chillo sta cchiù a llà c' a ccà!...



*È chesta 'a morte?*

*una doce, ca staie de rimpetto  
a guardà ca te stonco a guardà,  
luna ianca, ca dint' a stu lietto,  
chiano chiano mme viene a truvà,*

*si d' 'a morte lu suonno cuieto  
sarrà chisto ca sto pe durmì,  
da stu suonno si cchiù nun mme sceto,  
statte, luna, a vederme murì....*

*Marenaro so' stato a lu munno  
ma nu scuoglio la varca rumpette,  
quant' è brutto quann' uno va 'n' funno  
senza manco na stella vedè!...*

*L' acqua saglie, te stregne, t' affoca,  
tu nun può manco cchiù risciatà...  
Luna, lù!... Marenà!... Voca! voca!  
Miette... vela... vucammo!... vucà!...*

*Tu chi s'ì?... Tu che buo' ?... S'ì Carmela ?...  
E ... che buo' ?... nun te saccio... va llà!...  
voglio 'o mare!... oie cumpà... miette vela...  
sponte 'a luna... oie cumpare!... oie cumpà!...*

*Madonna mia... mamma mia.....*

- Requiescat in pace!
- Amen, patre prio'!

*Albante iorno.*

- Fratiè, scavate 'o fuosso int' 'o ciardino,  
fra Sarvatore l'atterammo llà;  
na rosa pastenatece vicino,  
e maie nun ve scurdate 'e ll'adacquà...

Ohè, l'ammore è bello! Ohè! ohè!...

*Canzona antica.*

Na dummeneca 'e maggio  
arrivaieno stracque a 'o munastero  
nu giovene e na giovene;  
ca, facenno viaggio  
e nun avenno addò s' arrepusà,  
se fermaieno llà.

Doppo mangiato pane e na frettata,  
ca le fece purtà patre priore,  
sta figliola dicette  
ca s' era assaie seccata,  
e se ne voleva ì,  
ca si pe doie tre ore  
avess' avuto rummanè llà dinte  
era cosa 'e morì!

— Facite buon viaggio —  
rispunnete 'o priore — e, si passate  
p' 'o ciardeniello nuosto,  
'e sciure a nomm' 'e Dio nun 'e tuccate,  
e spicialmente chelli rose 'e maggio...  
Sotto a sti rose dorme 'n' santa pace  
nu servo 'e Dio. Si vuie tuccate 'e sciure  
è Dio ca se dispiace!

Dicite a nu guaglione:

— Piccerì, nun fa chesto !

Piccerì, nun ghì llà !

E chillo, mpertinente e dispettuso,

niente, chello vo' fà !

niente, nun se vo' sta !

Propio accusì sta giovene facette

passanno p' 'o ciardino,


ncopp 'a na fossa, a poco cummigliata,

na bella rosa gialla era schiuppata,

e chella, pe dispietto,

cugliette 'a rosa e s' 'a mettette 'm' pietto...

## *Priate pe me!*



*Tutt'a notte nu lamiento  
p' 'o ciardino se sentette,  
e nu povero aucielo  
appaura se mettette;*

*pecchè, nziemm' 'e figlie suoie,  
iusto ncopp' 'o pede 'e noce  
isso steva, e da llà sotto  
se senteva chella voce:*

*„ Scellerata! Pure muorto  
tu mme viene a ncuità!  
Pure 'e sciure 'a copp' 'a fossa  
a stu muorto vuo' sceppà?... „*

*L' avucielo, appaurato,  
mamma e figlie se pigliaie,  
e da l' arbero de noce  
a n' ato arbero 'e purtaie.....*

*( 'O Munasterio è fenuto).*

